



INATSISARTUT

**Aningaasaqarnermut Nunamullu
Namminermut Naalackersuisoq**

TUAVIORTOQ

Ulloq: 15. oktober 2013

J.nr.: 01.31.11-00013

**Aningaasaqarnermut Akileraartarnermullu Ataatsimiititaliap tallimangornermi ulloq
18. oktober 2013, nal. 11.00-12.00 ataatsimiittarfik 1-mi Naalackersuisumik
apersuinissaanut aggeqqusissut.**

2014-imi aningaasanut inatsisissatut siunnersuummut tunngasumik Aningaasaqarnermut Ataatsimiititaliap Naalackersuisumik apersuinissaanut matumuuna aggersaasoqarpoq. Aggeqqusissummut tunngaviuvoq 2014-imi aningaasanut inatsisissatut siunnersuummut Aningaasaqarnermut Ataatsimiititaliap apeqqutaanut Naalackersuisut akissutaat.

Naalackersuisumik apersuinermi makku oqaluuserineqarnissaat ataatsimiititaliamit kissaatigineqarput:

Apeqqut 1

Apeqqummut tunuliaqutaasoq:

Apeqqut 2.3-mut Naalackersuisup akissutaa Aningaasaqarnermut Sulisoqarnermullu Aqutsisoqarfimmi, ASA-mi, allaffissornermut tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) Sulineq sumut killinnersoq suullu suli amigaataaneersut pillugit akissut itisilerneqassasoq ataatsimiititaliamit kissaatigineqarpoq.

Apeqqut 2

Apeqqummut tunuliaqutaasoq:

Apeqqut 3.1-imut Naalackersuisup akissutaa aningaasaqarnikkut politikimi Naalackersuisut anguniagaannut tunngavissaannullu tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqqutaa:

Pisortat aningaasartuutaasa qanoq annertussuseqarnissaat nunatsinnut naleqquttutut isigineqarnersoq pillugu apeqqummut Naalackersuisut akipput tamanna erseqqissumik akineqarsinnaangitsoq.

Tassungali atatillugu Naalackersuisunit oqaatigineqarpoq pisortat suliffeqarfiini sullissinerup suli qaffasippallaarnera eqqarsaatigalugu sunniutaasartut qaffassarniarlugit aningaasartuutaasartullu ikilisarniarlugit suliniutit arlallit aallartinneqarsimasut.

- a. Suliap tamatuma ingerlateqqinneqarnissaa Naalakkersuisut siunertaraat?
- b. Naalakkersuisut isumaat malillugu pisortat sullissinerata qaffasissusissaa killeqar-tinneqarpa aammalu assersuutigalugu amigartooruteqarnissamik missingersuusi-or-neq sullissinerup naammattumik qaffasissuseqannginneranut takussutissaava?

Aningaasaqarnikkut ingerlatsineq pillugu Naalakkersuisut 2013-imi nalunaarutaanni allas-simavoq amerlanerusut suliffeqalersinniarlugit suliffeqarfilu namminersortut siuariartortin-niarlugit inuiaqatigiit atugarissaarnissaat qulakkeerumallugu aningaasaqarnikkut iluarsaaq-qinnissaq inuiaqatigiinnilu aaqqissuussaaniikkut allanngortiterinissaq pisariaqartinneqartut.

- c. Tamanna pisortat aningaasartuutaasa qaffatsinnerisigut annertunerpaamik qulakkeerneqassasoq Naalakkersuisunit eqqarsaatigineqarpa?

Inuiaqatigiinni aningaasat kaaviiartinneqartut annertusarnissaat anguniarneqassasoq aam-malu nalituunngortitsinermi aningaasat nunatsinni sulisinneqarnissaat qulakkeerniarneqas-sasoq naalakkersuisooqatigiit isumaqatigiissutaanni allassimavoq. Tassunga atatillugu oqaatigineqarpoq Aningaasaqarnermut Siunnersuisooqatigiit akuutinneqassasut.

- d. Aningaasat kaaviiartut annertusarnissaat siuliani taaneqartoq pisortani imaluunniit namminersortuni pisussatut Naalakkersuisunit isumaqarfigineqarpa?
- e. Inuiaqatigiit atugarissaarnerannik maanna aaqqissuussisimaneq taassuminngalu aningaasalersuinermi tunngavik amigartooruteqarnissamut tunngavissiissasut, taamaattumillu ineriartorneq attanneqarsinnaassanngitsaq Aningaasaqarnermut Siunnersuisooqatigiit kingullermik nalunaarusiaanni allassimavoq. Tamanna Naalakkersuisunit isumaqatigineqarpa?

Aningaasat maannatut qaffasissuseqarnerat aningaasaqarnikkut politikip annikitsumik qasukkaallatsinnissaanut tunngavissiisinnasooq, taamatulli periuseqarneq aningaasalersuutissatut atugassat ilaat suli piviusunngortinneqanngitsut aningaasartuutit piviusunngortinneqartarnerisigut aarlerinartortaartoq Aningaasaqarnermut Siunnersuisooqatigiit isumaqarput.

- f. Tamanna Naalakkersuisunit isumaqatigineqarpa?
- g. Aningaasalersuutissatut atugassat ilaat piviusunngunngitsuussappata imaluunniit sullissinerup naammattumik qaffasissuseqannginnera pissutigalugu naammagineqanngitsutut isigineqarpata pisortat aningaasaqarneranni amigartooruteqarnissaq Naalakkersuisut ingerlatiinnassavaat?

Apeqquut 3

Apeqqummut tunuliaqutaasoq:

Apeqquut 3.2-mut Naalakkersuisup akissutaa AIS 2014-ip aamma naalakkersuisooqatigiinnissamik isumaqatigiissummi anguniakkat pingaarutillit ataqatigiissinnerannut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqqutaa:

Aaqqissuusseqqinnerit nammineq pilersornerulernissamut suliffeqalernissamullu kajungilersitsissasut pisortallu ikiorsiissutigisartagaasa oqimaaqatigiinnerusumik agguarneqartalernerannik kinguneqassasut Naalakkersuisut akissumminni allapput. Tamanna itisileqqullugu Naalakkersuisooq qinnuigineqarpoq.

Kiisalu aningaasanut inatsimmik sullarinninnermut tunngatillugu kingullertut oqaatigineqartut piffissamut qanittumut imaluunniit ungasinnerusumut tunngatinneqarnersut paasissutissiissutigeqqullugu Naalakkersuisoq qinnuigineqarpoq.

Apeqquut 4

Apeqquummut tunuliaqutaasoq:

Apeqquut 3.4-mi apeqquut c-mut Naalakkersuisup akissutaa sipaarutitut isertitaqarnerunermullu tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqquutaa:

Suleqatigiissitap suligasuartussap sulinerani angusat kingullit ataatsimiititaliamut nassuiaatigeqqullugit Naalakkersuisoq qinnuigineqarpoq, tassungalu ilanngullugu inissiat amerlasuut tunineqarnissaat pillugit aningaasalersuisarfinnik oqaloqateqarneq nassuiaatigalugu.

Apeqquut 5

Apeqquummut tunuliaqutaasoq:

Apeqquut 3.12-imut Naalakkersuisup akissutaa pisortat ingerlatsinerannik kommuninillu suleqateqarnermik nutarterinnermut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqquutaa:

- a. Naliliinissaq nalunaarusiami immikkoortoq 7 C-mi taaneqartoq qaqugu naammassereertussatut piffissaligaava?

Apeqquut 6

Apeqquummut tunuliaqutaasoq:

Apeqquut 3.16-imut Naalakkersuisup akissutaa akiitsut ineriartornerannut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqquutaa:

- a. Ataatsimiititaliap piumasaqaatitut saneqqunneqarsinnaanngitsutut isigaa ingerlatsineranut aningaasartuutit qaffataasa akilernissaannut taarsigassarsisoqannginnissaa, taamaallaalli tamanna pissalluni aningaasaliissutit pisariaqartut uterinneqarnissaat naatsorsuutigalugu sanaartornermut aningaasartuutitut aningaasassaqaarnissaq qulakkeerumallugu. Tunngavissaq tamanna aallaavigalugu aningaasanut inatsimmi amigartoorutit aningaasalersorneqarnissaat Naalakkersuisunit qulakkeerneqarsimava?

Apeqquut 7

Apeqquummut tunuliaqutaasoq:

Apeqquut 6.4-imut Naalakkersuisup akissutaa konto pingarneq 20.05.20-mut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqquutaa:

Ataatsimoortumik tapiissutitut atatillugu inuiaqatigiit katitigaanerata attuumassuteqanngitsutut isigineqarneranut suna tunngaviunersoq ataatsimiititaliamit paaserusunneqarpoq. Kommunit akileraarusiisnaatitaanerata aatsaat peerneqarpat

inuliaqatigiit katitigaanerannut tunngasut kommuninut ataatsimoortumik tapiissutitut ilanngunneqarnissaat tulluurtuussasoq pillugu oqaaseqaat itisileqqullugu Naalakkersuisoq qinnuigineqarpoq.

Apeqquut 8

Apeqquummut tunuliaqutaasoq:

Apeqquut 6.9-mut Naalakkersuisup akissutaa konto pingaarneq 20.10.13-imut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeqquutaa:

- a. Atortorissaarutitut digitaliusunut nutaanut mio.-inik marlunnik kisitsisitalinnik aningaasaliinissaq qanoq aningaasalersorneqassasoq Naalakkersuisut aalajangerpat?

Apeqquut 9

Apeqquummut tunuliaqutaasoq:

Apeqquut 6.10-mut Naalakkersuisup apeqquutaa konto pingaarneq 20.10.22-mut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeqquutaa:

- a. Tamanna ataatsimiititaliamit ima paasineqassava; tunisinermit kisitsisit anguneqarsinnaasut nalilernissaannut tunngavissatut maanna attartortut inissiarisaminnik tigusinissamut soqutiginninersut Naalakkersuisunit aperineqarsimangitsut?

Apeqquut 10

Apeqquummut tunuliaqutaasoq:

Apeqquut 6.11-mut Naalakkersuisup akissutaa konto pingaarneq 20.11.51-imut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeqquutaa:

- a. Naalakkersuisut apeqquummut e-mut akissummi allapput isertitat ilanngunneqartut qangatut naliligaasut, tamannalumi misissueqqissaarnermit tunngavissaq suli paasilluarneqarsimatinnagu akisussaassuseqartuliornerussaaq. Ataatsimiititaliamittaaq paasilluarneqarsinnaavoq 2014-imi pinnani aatsaalli 2015-imit isertitaqarnissap missingersuutigineqarnera. Aningaasanik qularnartunik missingersuutiginninnikkut piffissap qinigaaffiusup matuma nanerani aningaasanut inatsisip oqimaatigiinnissaanik anguniagaq angujuminaalleriaannaavoq. Qangatut missingiinermit oqarneq ataatsimiititaliamit qanoq paasineqassava?
- b. Pensionisianik akileraarusersuineq sulisartunut assigiinngitsunut sunniuteqassava?
- c. Inuit Kalaallit Nunaanni najugallit Danmarkimi pensionisianut aqqissuussat malillugit pensionisiassallit 2013-imi januarimit pensionisiassanit iluanaarutitut akileraarutitik akiliinngitsoorsinnaatitaajunnaarpata, tamatuma kingunerissavaa marloqiusamik akileraarusersuisoqalissasoq?

Apeqquut 11

Apeqquummut tunuliaqutaasoq:

Apeqquut 6.12-imut Naalakkersuisup akissutaa konto pingaarneq 20.11.56-imut tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqqutaa:

Pilersuisinnaasut pisariaqanngitsumik ikileriarujussuarnerannik aaqqissuussinerup kinguneqaratarsinnaanera qanoq annertutigaa? Ilinniarfissat taama annertutigisumik nalilernerqarnerat suliffeqarfinnik mikinerpaanik, ilinniartoqarnissamut sulinermilluunniit misiliisoqarnissamut periarfissaqanngitsunik, eqquissangila?

Apeqqut 12

Apeqqummut tunuliaqutaasog:

Apeqqut 6.17-imut Naalackersuisup akissutaa konto pingaarneq 20.30.10-mut aamma 20.30.11-mut tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a. Ataatsimiititaliap paasinninnera malillugu suliassaqarfimmut Naalackersuisoq pingasunngornermi ull. 2. oktober apeqqarissaarnermi immikkoortunut arlalinnut tamakkiisumik akissuteqanngilaq imaluunniit akissuteqarsinnaanngilaq. Ataatsimiititaliali paasisoraa suliassaqarfik pillugu nassuiaatip 2014-imi naammassineqarnissaa naatsorsuutigineqartoq. Tamanna Naalackersuisup siuliani akissutaanut qanoq ililluni attuumassuteqarnersoq itisilernerqassasoq ataatsimiititaliamit kissaatigineqarpoq.
- b. 2013-imi killiffimmik misissuinermi paasissutissat illoqarfinnut qanoq agguataarsimanerat pillugu paasissutissineqarnissaaq ataatsimiititaliamit kissaatigineqarpoq.

Apeqqut 13

Apeqqummut tunuliaqutaasog:

Apeqqut 6.19-imut Naalackersuisup akissutaa konto pingaarneq 24.01.15-imut tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqqutaa:

Pisassarisat akilersinniarlugit immikkut ittumik suliniuteqartoqaraluartoq akiligassatigut kinguaattoorutit annertunerusumik appariaateqanngimmata ataatsimiititaliamit paasiuminaatsinneqarpoq. Takussutissiami takuneqarsinnaavoq suliaterleriarimasut aammalu akiligassanik kinguaattoorutit 3 % inulaarlugu taamaallaat appariarsimasut. Taamaattumillu ajornartorsiut allanngoriarfiusimanngitsutut ataatsimiititaliamit isigineqarpoq.

- a. Konto pingaarneq 24.10.10-mi allassimavoq akiligassatigut kinguaattoorutininut 20 mio. kr.-it 2014-imi isumakkeerinnissutigineqarnissaat missingersuutigineqartoq. Aningaasat takku kontomit pingaarnermit matuminnga nuunneqarsimanersut paasissutissiissutigineqassasoq ataatsimiititaliamit kissaatigineqarpoq.
- b. Akiligassatigut kinguaattoorutit nunap immikkoortuinut agguataarneqarnerat paasissutissiissutigineqassasoq ataatsimiititaliap kissaatigaa aammalu takussutissiaq kommuninut agguataagaq takorusullugu.
- c. Pilersuisoq aqqutigalugu akileeriaaseq innuttaasut akiligassatigut kinguaattoorutininut akiliinierannut ajoqutaanersoq paasissutissiissutigineqassasoq ataatsimiititaliamit kissaatigineqarpoq.

- d. Boligstøttemut taarsigassarsiat eqqarsaatigalugit assersuutigalugu toqusoqartillugu, inuit nunanut allanut nuunneranni allatulluunniit pissuteqarlutik akilersuiunnaarneranni taarsigassarsiat sinneruttut qanoq pineqartarnersut paasissutissiissutigineqassasoq ataatsimiititaliamit kissaatigineqarpoq?

Apeqquut 14

Apeqquummut tunuliaqutaasoq:

Apeqquut 6.21-imut Naalakkersuisup akissutaa konto pingaarneq 24.10.10-mut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqquutaa:


- a. Pensionisianit iluanaarutininik akileraarusersuineq sulsartunut assigiinngitsunut qanoq annertutigisumik sunniuteqassava?
- b. Piffissap qanoq ilinerani akileraarusersuisoqassava qanorlu akileeqqusisoqassava?

Naalakkersuisumik apersuinermini allanik aamma apeqquteqarnissani ataatsimiititaliap naatsorsuutigaa.

Ataatsimiititaliap Naalakkersuisumik apersuinerata Naalakkersuisup ataatsimiititaliallu akornanni pingaarnersuilluni tulleriarinerit anguniakkallu pillugit naalakkersuinermut tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqquutit siuliani allasimasut pillugit allakkiamik kalaallisut danskisullu ataatsimiititaliap Naalakkersuisumik apersuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik apersuinerata kinguningua uunga nassiunneqarnissaa qinnutigineqarpoq: sakkak@ina.gl. Allakkiap ataatsimiititaliap Naalakkersuisumik apersuinissaanut nassarneqarpat atorneqarpallu taasuma nuutinnera ataatsimiititaliap Naalakkersuisumik apersuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Finn Karlisen
Ataatsimiititaliap siulitaasua